

此方妙在剛燥葯中加芳香透絡。蟾乃上之精
土應月魄。物之濁而靈者。其酥入絡。以毒攻毒
而方又有所監制。故應手取効耳。

獨勝散

治絞腸沙痛急。指用唇俱青。危在頃刻。

馬糞

年久彌佳

不拘分兩。瓦上焙乾爲末。老酒沖服二三錢。不
知再作服。

此方妙在以濁攻濁。馬性剛善走。在卦爲乾。糞
乃濁陰所結。其象圓。其性通。故能摩蕩濁陰之

邪仍出下竅。憶昔年濟南方。詎菴蒞在九江。臨
 行。一女子忽患沙證。就地滾。聲嘶欲絕。詎菴
 云。偶因擇日不謹。悞犯紅沙。或應此乎。余急授
 此方。求馬糞不得。卽用騾糞。並非陳者。亦隨手
 奏功。

濕溫 瘧痢 痘瘡 附

⑤ 濕熱上焦未清。裏虛內陷。神識如蒙。舌滑脉緩。
 人參瀉心湯加白芍主之。

濕在上焦。若中陽不虛者。必始終在上焦。斷不

內陷。或因中陽本虛。或因誤傷於藥。其勢必致
內陷。濕之中人也。首如裹。自如蒙。熱能令人昏。
故神識如蒙。此與熱邪直入包絡調語神昏有
間。裏虛故用人參以護裏陽。白芍以護真陰。濕
陷於裏。故用乾薑枳實之辛通。濕中兼熱。故用
黃芩黃連之苦降。此邪已內陷。其勢不能還表。
法用通降從裏治也。

人參瀉心湯方 苦辛寒兼甘法

人參 二錢

乾薑 二錢

黃連 一錢五分

黃芩一錢五分
枳實一錢
生白芍二錢

水五杯。煮取二杯。分二次服。渣再煮一杯服。

⑤濕熱受自口鼻。由募原直走中道。不飢不食。機竅不靈。三香湯主之。

此邪從土焦來。還使土焦去法也。

三香湯方 微苦微辛微寒兼芳香法

栝萸皮二錢
桔梗三錢
黑山梔二錢

枳殼二錢
鬱金一錢
香豉二錢

陷香末三錢

水五杯。煮取二杯。分二次溫服。

方論按此證由上焦而來。其機尚淺。故用萸皮。桔梗。枳殼。微苦微辛。開上。山梔。輕浮微苦。清熱。

香鼓鬱金降香化中上之穢濁而開鬱。上條以下焦爲邪之出路。故用重。此條以上焦爲邪之出路。故用輕。以下三焦均受者。則用分消。彼此互參。可以知葉氏之因證製方。心靈手巧處矣。惜散見於案中。而人多不察。茲持爲拈出。以概

其餘

治外仙藥 卷二 濕溫 瘧疾 疝瘕 附 三五
⑤ 吸受穢濕。三焦分布。熱蒸頭脹。身痛嘔逆。小便
不通。神識昏迷。舌白渴不多飲。先宜芳香通神利
竅。安宮牛黃丸。繼用淡滲分消濁濕。茯苓皮湯。

按此證表裏經絡臟腑三焦俱爲濕熱所困。最
畏內閉外脫。故急以牛黃丸宣竅清熱而護神
明。但牛黃丸不能利濕分消。故繼以茯苓皮湯

安宮牛黃丸 方法見上焦篇第二十四頁

茯苓皮湯 淡滲兼微辛微涼法

茯苓皮 五錢

生薏仁 五錢

猪苓 三錢

大腹皮 三錢

白通草 三錢

淡竹葉 三錢

水八杯。煮取二杯。分三次服。

⑤陽明濕溫氣壅為噦者。新製橘皮竹茹湯主之。

按金匱橘皮竹茹湯。乃胃虛受邪之治。今治濕

熱壅遏胃氣致噦。不宜用參甘峻補。故改用柿

蒂。按柿成於秋。得陽明燥金之主氣。且其形多

方。他果未之有也。故治肺胃之病。有獨勝。肺之臟象

屬金。胃之氣運屬金。柿蒂乃柿之歸束處。凡花皆散。凡子

皆降。凡降先收。從生而散。而收而降。皆一蒂為

前重有言不
草際藥性不
盡得此知察
理之精求之

五色五味之
凡辨藥須實
就其理會
芳有妙極不
可泥定本草
亦論指出處
可以臨取

之也。治逆呃之能事畢矣。再按草木一身。蘆與

生氣上升者蘆也。受陰精歸藏者蒂為升降之門戶。哉

新製橘皮竹茹湯 苦辛通降法

橘皮 三錢

竹茹 三錢

柿蒂 七枚

薑汁 三茶匙沖

水五杯。煮取二杯。分二次溫服。不知再作服。有痰火者。加竹瀝。枯蕒霜。有瘀血者。加桃仁。

⑤ 三焦濕鬱。升降失司。腕連腹脹。大便不爽。一加

減正氣散主之。

以下諸條看
其因症變
之妙可尋用
古方法

再按此條與上第五十六條同為三焦受邪彼
以分消開竅為急務此以升降中焦為定法各
因見證之不同也。

一加減正氣散方

藿香梗 二錢

厚朴 二錢

杏仁 二錢

茯苓皮 二錢

廣皮 一錢

神曲 一錢

麥芽 一錢
五分

綿茵陳 二錢

大腹皮 一錢

水五杯煮二杯再服。

方論正氣散本苦辛溫兼甘法。今加減之乃苦。

海州仙藥 卷二 濕溫 瘧痢 疽癰附 三
辛微寒法也。去原方之紫蘇白芷。無須發表也。
去甘桔。此證以中焦爲扼要。不必提上焦也。祇
以藿香化濁。厚朴廣皮茯苓大腹瀉濕滿。加杏
仁利肺與大腸之氣。神曲麥芽升降脾胃之氣。
茵陳宣濕鬱而動生發之氣。藿香但用梗。取其
走中不走外也。茯苓但用皮。以諸皮皆涼。瀉濕
熱獨勝也。

⑤ 濕鬱三焦。腕悶便溏。身痛舌白。脉象模糊。一加
減正氣散主之。

土條中焦病重。故以升降中焦爲要。此條脫悶
便澹。中焦證也。身痛舌白。脉象模糊。則經絡證
矣。故加防已急走經絡中濕鬱。以便澹不比大
便不爽。故加通草薏仁利小便。所以實大便也。
大豆黃卷從濕熱蒸變而成。能化蘊釀之濕熱
而蒸變脾胃之氣也。

二加減正氣散 苦辛淡法

藿香梗 三錢

廣皮 二錢

厚朴 二錢

茯苓皮 三錢

木防已 三錢

大豆黃卷 二錢

川通草

一錢五分

薏苡仁

三錢

水八杯。煮三杯。三次服。

④穢濕着裏。舌黃。腕悶。氣機不宜。久則釀熱。三加減正氣散主之。

前兩法。一以升降為主。一以急宣經隧為主。此則以舌黃之故。預知其內已伏熱。久必化熱。而身亦熱矣。故加杏仁利肺氣。氣化則濕熱俱化。滑石辛淡而涼清濕中之熱。合藿香所以宣氣機之不宜也。

三加減正氣散方 苦辛寒法

藿香 三錢連梗葉

茯苓皮 三錢

厚朴 二錢

廣皮 一錢五分

杏仁 三錢

滑石 五錢

水五杯。煮二杯。再服。

④穢濕着裏。邪阻氣分。舌白滑。脉右緩。四加減正氣主之。

以右脉見緩之故。知氣分之濕阻。故加草果杏肉神曲。急運坤陽。使足太陰之地氣。不上蒸手太陰之天氣也。

治非... 各二濕溫瘧痢 痘癩刑

四加減正氣散方

苦辛温法

藿香梗 三錢

厚朴 二錢

茯苓 三錢

廣皮 一錢五分

草果 一錢

查肉 五錢 炒

神曲 二錢

水五杯。煮二杯。渣再煮一杯。三次服。

⑤穢濕着裏。腕悶便泄。五加減正氣散主之。

穢濕而致腕悶。故用正氣散之香開。便泄而知

脾胃俱傷。故加大腹運脾氣。穀芽升胃氣也。以

上二條。應入前寒濕類中。以同為加減正氣散

注。欲觀者知化裁古方之妙。故列於此。

五加減正氣散 苦辛溫法

藿香梗 二錢

廣皮 一錢五分

茯苓塊 三錢

厚朴 二錢

天腹皮 一錢五分

穀芽 一錢

蒼朮 二錢

水五杯。煮二杯。日再服。

按今人以藿香正氣散統治四時感冒。試問四時止。氣行合乎抑各司一氣。且有兼氣乎。況受病之身軀臟腑又各有不等乎。歷觀前五法

均用正氣散。而加法各有不同。亦可知用藥非
絲絲入扣。不能中病。彼泛論四時不正之氣。與
統治一切諸病之方。皆未望見軒岐之堂室者
也。烏可云醫乎。

③脉緩身痛。舌淡黃而滑。渴不多飲。或竟不渴。汗
出熱解。繼而復熱。內不能運水穀之濕。外復感時
令之濕。發表攻裏。兩不可施。誤認傷寒。必轉壞證。
徒清熱則濕不退。徒祛濕則熱愈熾。黃芩滑石湯
主之。

程若於濕病
反覆詳盡多
而八所未及
較之溫熱尤
為枕中鴻寶

脉緩身痛有似中風但不浮舌滑不渴飲則非
中風矣若係中風汗出則身痛解而熱不作矣
今繼而復熱者乃濕熱相蒸之汗濕屬陰邪其
氣留連不能因汗而退故繼而復熱內不能運
水穀之濕脾胃困於濕也外復受時令之濕經
絡亦困於濕矣倘以傷寒發表攻裏之法施之
發表則誅伐無過之表陽傷而成瘕攻裏則脾
胃之陽傷而成洞泄寒中故必轉壞證也濕熱
兩傷不可偏治故以黃芩滑石茯苓皮清濕中

溫病條辨
卷二 中焦篇

三

之熱。薏仁猪苓宜濕邪之正。再加腹皮通草共成宣氣利小便之功。氣化則濕化。小便利則火腑通而熱自清矣。

黃芩滑石湯方 苦辛寒法

黃芩 三錢

滑石 三錢

茯苓皮 三錢

大腹皮 二錢

白薏仁 二錢

通草 一錢

猪苓 三錢

水六杯。煮取三杯。渣再煮一杯。分溫三服。

④陽明濕溫。嘔而不渴者。小半夏加茯苓湯主之。

嘔甚而痞者。半夏瀉心湯去人參乾薑大棗。甘草加枳實生薑主之。

嘔而不渴者。飲多熱少也。故主以小半夏加茯苓。逐其飲而嘔自止。嘔而兼痞熱邪內陷。與飲相搏。有固結不通之患。故以半夏瀉心湯去參薑。甘棗之補中。加枳實生薑之宣胃也。

小半夏加茯苓湯

半夏 六錢

茯苓 六錢

生薑 四錢

水五杯。煮取二杯。分二次服。

溫病何辨
卷一
濕溫瘧痢疽痺附
三

半夏瀉心湯去人參乾薑甘草大棗加枳實生薑

方

半夏 六錢

黃連 二錢

黃芩 三錢

枳實 三錢

生薑 三錢

水八杯。煮取三杯。分三次服。虛者復納人參大棗。

徵按溼之為病。其來也漸。其去也遲。譬若小人

之易進而難退也。溼溫之痞與濕寒異。溼寒之

痞兼有食積。溼溫之痞熱陷邪留。故嘔而兼痞

也。水氣上逆則嘔。水停膈間則痞。上干於頭則

眩中變於心則痺。訪日本文字字俱有斟酌。難
爲麤心者道。

⑤濕聚熱蒸蘊於經絡。寒戰熱熾。骨節煩疼。舌色
灰滯。面目痿黃。病名濕痺。宣痺湯主之。

經謂風寒濕三者合而爲痺。金匱謂經熱則痺。
蓋金匱誠補內經之不足。痺之因於寒者固多。
痺之兼乎熱者亦復不少。合參二經原文。細驗
於臨證之時。自有權衡。本論因載濕溫而類及
熱痺。見濕溫門中。原有痺證。不及備載。痺證之

全。學者欲求全豹。當於內經金匱喻氏葉氏以
及宋元諸名家合而參之。自得。大抵不越寒熱
兩條。虛實異治。寒痺勢重。而治反易。熱痺勢緩。
而治反難。實者單。病軀殼易。治虛者兼。病臟腑
夾痰飲腹滿等證。則難治矣。猶之傷寒兩感也。
此條以舌灰目黃。知其爲濕中生熱。寒戰熱熾。
知其其在經絡。骨節疼痛。知其爲痺證。若泛用治
濕之藥。而不知循經入絡。則罔效矣。故以防己
急走經絡之濕。杏仁開肺氣之先。連翹清氣分。

之濕熱。赤豆清血分。之濕熱。滑石利竅而清熱。
中之濕。山梔肅肺而瀉濕。中之熱。薏苡淡滲而
主學痺。半夏辛平而主寒熱。蠶沙化濁道中清
氣。痛甚加片子薑黃海桐皮者。所以宣絡而止
痛也。

宣痺湯方。苦辛通法

防已 五錢

杏仁 五錢

滑石 五錢

連翹 三錢

山梔 三錢

薏苡 五錢

半夏 三錢
醋炒

晚蠶沙 三錢

赤小豆皮 三錢
赤小

豆乃五穀中之赤小豆。味酸肉赤。涼水浸取皮用。非藥肆中之赤小豆。藥肆中之赤豆乃廣中野豆。赤皮蒂黑肉黃不入藥者也。

水八杯。煮取三杯。分溫三服。痛甚加片子薑黃二錢。海桐皮三錢。

⑤濕鬱經脈。身熱身痛。汗多自利。胸腹白疹。內外合邪。純辛走表。純苦清熱。皆在所忌。辛涼淡法。薏苡竹葉散主之。

上條但痺在經脈。此則臟腑亦有邪矣。故又立一法。汗多則表陽開。身痛則表邪鬱。表陽開而

不解表邪。其爲風濕無疑。蓋汗之解者寒邪也。風爲陽邪。尚不能以汗解。況濕爲重濁之陰邪。故雖有汗不解也。學者於有汗不解之證。當識其非風則濕。或爲風濕相搏也。自利者小便必短。白疹者風濕鬱於孫絡毛竅。此濕停熱鬱之證。故主以辛涼解肌表之熱。辛淡滲在裏之濕。俾表邪從氣化而散。裏邪從小便而驅。雙解表裏之妙法也。與下條互斟自明。

薏苡竹葉散方

辛涼淡法亦輕以去實法

薏苡 五錢

竹葉 二錢

飛滑石 五錢

白薏仁 一錢五分

蓮翹 三錢

茯苓塊 五錢

白通草 一錢五分

共為細末。每服五錢。日三服。

⊖風暑寒濕。雜感混淆。氣不主宣。咳嗽頭脹。不飢
舌白。肢體若癢。杏仁薏苡湯主之。

雜感混淆。病非一端。乃以氣不主宣四字為扼
要。故以宣氣之藥為君。既兼雨濕中寒邪。自當
變辛涼為辛溫。此條應入寒濕類中。列於此者。

以其爲上條之對待也

杏仁薏苡湯

苦辛溫法

杏仁 三錢

薏苡 三錢

桂枝 五分

生薑 七分

厚朴 一錢

半夏 一錢五分

防已 一錢五分

白茯苓 二錢

水五杯。煮三杯。渣再煮一杯。分溫三服。

⑥暑濕痺者。加減木防已湯主之。

此治痺之祖方也。風勝則引引者

吊痛掣痛之類。或上或下

四肢游走作痛。經謂行痺是也。

加桂枝桑葉。濕勝則腫。腫者日土

証總以宜
爲主。則
官。通也

益病條詳

卷二 中焦篇

三

此條加減
數條參
二遍半矣

敦
加滑石、葶藶、蒼朮。寒勝則痛。痛者加防已、桂

枝、薑、黃、海桐皮。面赤口涎自出者靈樞謂胃熱則廉泉開

重加石膏、知母。絕無汗者加羌活、蒼朮。汗多者

加黃芪、炙甘草。兼痰飲者加半夏、厚朴、廣皮。因

不能備載全文。故以祖方加減如此。聊示門徑

而已。

加減木防已湯 辛溫 辛涼 複法

防已 六錢 桂枝 三錢

石膏 六錢

杏仁 四錢

滑石 四錢

白通草 二錢

薏仁三錢

水八杯。煮取三杯。分溫三服。見小効。不卽退者。加重服。日三夜一。

在案痺證有周行者。之分其原有風寒濕熱之異。祭古方多以寒濕論治。且多雜用風藥。不知濕家忌汗。聖訓昭然。寒濕固有熱濕尤多。誤用辛溫。其害立見。再外感初傷氣分。惟貴宣通。誤認虛證。投柔膩補藥。其禍尤酷。學者細考本文。可得治熱痺之梗槩矣。

⑤濕熱不解。久釀成疸。古有成法。不及備載。聊列

數則。以備規矩。下瘧痢等證。做此。

本論之作。原補前人之未備。已有成法。可循者。

安能盡錄。因橫列四時雜感。不能不列濕溫。連

類而及。又不能不列黃疸瘧痢。不過畧標法則

而已。按濕溫門中。其證最多。其方最夥。蓋土居

中。位穢濁。所歸四方。皆至。悉可兼證。故錯綜叅

伍。無窮極也。卽以黃疸一證而言。金匱有辨證

三十五條。出治一十二方。先審黃之必發不發。

在於小便之利與不利。疽之易治難治。在於口
之渴與不渴。再察。瘵熱入胃之因。或因外併。或
因內發。或因食穀。或因酣酒。或因勞色。有隨經
蓄血。入水黃汗。上盛者。一身盡熱。下鬱者。小便
爲難。又有表虛裏虛。熱除作噦。火劫致黃。知病
有不一之因。故治有不紊之法。於是脉弦脇痛
少陽未罷。仍主以和渴飲水漿。陽明化燥。急當
瀉熱。濕在上以辛散。以風勝。濕在下以苦泄。以
淡滲。如狂蓄血。勢所必攻。汗後溺白。自宜投補。

酒客多蘊熱。先用清中。加之分利。後必顧其脾。陽。女勞有穢濁。始以解毒。繼以滑竅。經當峻補。真陰。表虛者實衛。裏虛者建中。入水火劫。以及治逆變證。各立方論。以爲後學津梁。至寒濕在裏之治。陽明篇中。惟見一則。不出方論。指人以寒濕中求之。蓋脾本畏木而喜風燥。制水而惡寒濕。今陰黃一證。寒濕相搏。譬如卑監之士。須暴風日之陽。純陰之病。療以辛熱無疑。方雖不出。法已顯然。奈丹溪云。不必分五疸。總是如盪。

醫相似。以爲得治黃之扼要。殊不知以之治陽黃。猶嫌其混。以之治陰黃。惡乎可哉。喻嘉言於陰黃一證。竟謂仲景方論亡失。恍若無所循從。惟羅謙甫具有卓識。方辨陰陽。遵仲景寒濕之旨。出茵陳四逆湯之治。唐於陰黃一證。究心有年。悉用羅氏法。而化裁之。無不應手取效。間有始卽寒濕。從太陽寒水之化。繼因其人陽氣尚未十分衰敗。得燥熱藥數帖。陽明轉燥。金之化而爲陽證者。卽從陽黃例治之。

⑤夏秋疸病。濕熱氣蒸。外干時令。內蘊水穀。必以宣通氣分爲要。失治則爲腫脹。由黃疸而腫脹者。苦辛淡法。二金湯主之。

此揭疸病之由。與治疸之法。失治之變。又因變製方之法也。

二金湯方

苦辛淡法

雞內金

五錢

海金沙

五錢

厚朴

三錢

大腹皮

三錢

猪苓

三錢

白通草

二錢

水八杯。煮取三杯。分三次溫服。

④諸黃疸小便短者茵陳五苓散主之

沈氏曰南云此黃疸氣分實證通治之方也胃

為水穀之海營衛之源風入胃家氣分風濕相

蒸是為陽黃濕熱流於膀胱氣鬱不化則小便

不利當用五苓散宣通表裏之邪茵陳開鬱而

清濕熱

茵陳五苓散 方見前二十八頁五苓散係苦辛溫法今茵陳倍五苓乃苦辛微寒法

茵陳末 五分
五苓散 五分

共為細末和勻每服三錢日三服

金匱方不及備載。當於本書研究。獨採此方者。以其為實證。通治之方。備外風內濕一則也。

⑤黃疸脉沉中痞惡心便結溺赤病屬三焦裏證。杏仁石膏湯主之。

前條兩解表裏。此條統治三焦。有一縱一橫之義。杏仁石膏開上焦。薑半開中焦。枳實則由中驅下矣。山梔通行三焦。黃柏直清下焦。凡通宣三焦之方。皆扼重上焦。以上焦為病之始。入且為氣化之先。雖統宣三焦之方。而湯則名杏仁。

金針盡度經
所謂治節出

石膏也

杏仁石膏湯方 苦辛寒法

杏仁 五錢

石膏 八錢

半夏 五錢

山梔 三錢

黃柏 三錢

枳實汁 每次三茶匙沖

薑汁 每次三茶匙沖

水八杯煮取三杯分三次溫服

③素積勞倦再感濕溫誤用發表身面俱黃不饑

溺赤連翹赤豆飲煎送保和丸

前第七十條由黃而變他病此則由他病而變

黃亦遙相對待。證係兩感。故方用連翹赤豆飲以解其外。保和丸以和其中。俾濕溫勞倦治逆。一齊解散矣。保和丸苦溫而運脾陽。行在裏之濕。陳皮連翹由中達外。其行濕固然矣。兼治勞倦者何。經云勞者溫之。蓋人身之動作云爲皆賴陽氣爲之主張。積勞傷陽。勞倦者因勞而倦也。倦者四肢倦怠也。脾主四肢。脾陽傷則四肢倦而無力也。再肺屬金而主氣。氣者陽也。脾屬土而生金。陽氣雖分內外。其實特一氣之轉輸。

耳勞雖自外而來。外陽既傷。則中陽不能獨運。中陽不運。是以人之賴食濕以生者。反爲食濕所困。脾既困於食濕。安能不失。牝馬之貞而土承乾。健乎。古人善治勞者。前則有仲景。後則有東垣。皆從此處得手。李之何。後世醫者。但云勞病。輒用補陰。非惑於丹溪一家之說哉。本論原爲外感而設。並不及內傷。茲特因兩感而畧言之。

連翹赤豆飲方 苦辛微寒法

連翹 二錢

山梔 一錢

通草 一錢

赤豆

花粉

香豆豉

煎送保和丸三錢

保和丸方

苦辛溫平法

山楂

神曲

茯苓

陳皮

荀子

連翹

半夏

④濕甚為熱瘧邪痞結心下舌白口渴煩躁自利

初身痛繼則心下亦痛瀉心湯主之

此瘧邪結心下氣分之方也

瀉心湯 方法見前

⑤瘡家濕瘡。忌用發散。蒼朮。白虎湯。加草果。主之。
金匱謂瘡家忌汗。發汗則病瘥。蓋以瘡者。血脉
間病。心生血脉。血脉必虛而熱。然後成瘡。既成
瘡以後。瘡膿又係血液所化。汗爲心液。由血脉
而達毛竅。再發汗以傷其心液。不瘥何待。故以
白虎。辛涼重劑。清陽明之熱濕。由肺衛而出。加
蒼朮。草果。溫散脾中重滯之寒濕。亦由肺衛而
出。陽明陽土。清以石膏。知母之辛涼。太陰陰土。

溫以蒼朮草果之苦溫適合其臟腑之宜矯其

一偏之性而已。

蒼朮白虎湯加草果方

辛涼復苦溫法白虎湯方見上焦篇第十三頁

即前白虎湯內加蒼朮草果

⑤背寒胸中痞結瘧來日晏邪漸入陰草果知母

湯主之。

此素積煩勞未病先虛故伏邪不肯解散正陽

餒弱邪熱固結是以草果溫太陰獨勝之寒知

母瀉陽明獨勝之熱厚朴佐草果瀉中焦之濕

今管人感寒
用蒜醋發汗
即此義

蘊合薑半而開痞結。花粉佐知母而生津退熱。

脾胃兼病。最畏木克。烏梅黃芩清熱而和肝。瘧

來日晏。邪欲入陰。其所以升之使出者。全賴草

果。俗以烏梅五味等酸飲。是知其一。莫知其他

也。酸味秉厥陰之氣。居五味之首。與辛味合
用。開發陽氣最速。
觀小青龍湯自知。

草果知母湯方

苦辛寒兼酸法

草果 一錢五分

知母 二錢

半夏 三錢

厚朴 二錢

黃芩 一錢五分

烏梅 一錢五分

花粉 一錢五分

薑汁 五匙

昆布條碎

卷二 中焦篇

三

治痢仙方 卷二 溫濕 瘧痢症辨附
水五杯。煮取二杯。分二次溫服。

按此方卽吳又可之達原飲去檳榔。加半夏烏梅薑汁。治中焦熱結陽陷之證。最爲合拍。吳氏乃以治不兼濕邪之溫疫初起。其謬甚矣。

再按前賢製方。與集書者選方。不過示學者知

法度爲學者立模範而已。未能預測後來之病

證。其變幻若何。其兼證若何。其年歲又若何。所

謂大匠誨人。能與人規矩。不能使人巧。至於奇

巧絕倫之處。不能傳。亦不可傳。可遇而不可求。

舉一反三全
書有當以此
觀之

可。暫。而。不。可。常。者。也。學。者。當。心。領。神。會。先。務。識
其。所。以。然。之。故。而。後。增。減。古。方。之。藥。品。分。量。宜
重。宜。輕。宜。多。宜。寡。自。有。準。的。所。謂。神。而。明。之。存
乎。其。人。

⑦ 瘧傷胃陽。氣逆不降。熱劫胃液。不飢不飽。不食
不便。渴不欲飲。味變酸濁。加減人參瀉心湯主之。
此雖陽氣受傷。陰汁被劫。恰偏於陽。傷為多。故
救陽立胃。基之藥四。存陰瀉邪熱之藥二。喻氏
所謂變胃而不受胃變之法也。

溫病條辨 卷二中焦篇

加減人參瀉心湯

苦辛溫復醜寒法

人參 二錢

黃連 一錢五分

枳實 一錢

乾薑 一錢五分

生薑 二錢

牡蠣 二錢

水五杯。煮取二杯。分二次溫服。

按大辛大溫與大苦大寒合方。乃厥陰經之定例。蓋別臟之與腑。皆分而為二。或上下或左右。不過經絡貫通。臆膜相連耳。惟肝之與胆合而為一。胆即居於肝之內。肝動則胆亦動。胆動而肝即隨。肝宜溫。胆宜涼。仲景烏梅圓瀉心湯。立

萬世法程矣。於小柴胡。先露其端。此證瘧邪擾胃。致令胃氣上逆。而亦用此辛溫寒苦合法者。何。蓋胃之爲腑。體陽而用陰。本係下降無上升之理。其嘔吐噦痞。有時上逆升者。胃氣所以使胃氣上升者。非胃氣也。肝與胆也。故古人以嘔爲肝病。今人則以爲胃病已耳。

汪按古人云。肝爲剛臟。能受柔藥。胃爲柔臟。能受剛藥。故胃陽傷者可與剛中之柔。不可與柔中之剛。又云。治肝不效。每以胃藥收功。蓋土衰

木必乘之。扶陽明。所以制厥陰也。再考厥陰為

陰陽交際之處。貞下起元。內藏相火。故用寒必

複熱。用熱必複寒。仲景茱萸四逆。當歸四逆。不

用純陽。烏梅瀉心。陰陽並用。為此也。

先賢于內傷腎肝陰

中之陽者。用羊肉鹿茸等血肉之品。不用薑附。及溫腎必助涼肝。皆此義。

至胃為中

土傷陽則為卑監。當用剛遠柔。傷陰則為燥亢。

當用柔遠剛。陽衰者少佐宣暢。權衡在手。斯臨

證無差矣。

⑤瘧傷胃陰。不飢不飽不便。潮熱得食則煩熱愈。

加津液不復者。麥冬麻仁湯主之。

暑濕傷氣。瘧邪傷陰。故見證如是。此條與上條不飢不飽不便相同。上條以氣逆味酸不食辨陽傷。此條以潮熱得食則煩熱愈加定。陰傷也。陰傷既定。復胃陰者莫若甘寒。複酸味者酸甘化陰也。兩條胃病。皆有不便者何。九竅不和。皆屬胃病也。

麥冬麻仁湯方

酸甘化陰法

麥冬

五錢
連心

火麻仁

四錢

生白芍

四錢

法非... 卷二 濕溫 瘧痢 痘疹 附

何首烏 三錢

烏梅肉 二錢

知母 二錢

水八杯。煮取三杯。分三次。溫服。

⑧太陰脾瘧。寒起四末。不渴多嘔。熱聚心胸。黃連

白芍湯主之。煩躁甚者。可另服牛黃丸一丸。

脾主四肢。寒起四末。而不渴。故知其為脾瘧也。

熱聚心胸。而多嘔。中土病。而肝木來乘。故方以

兩和肝胃為主。此偏於熱甚。故清熱之品重。而

以芍藥收脾陰也。

黃連白芍湯方 苦辛寒法

黃連 三錢

黃芩 二錢

半夏 三錢

枳實 一錢五分

白芍 三錢

薑汁 五匙

水八杯。煮取三杯。分三次溫服。

④太陰脾瘧。脈濡寒熱。瘧來日遲。腹微滿。四肢不暖。露薑飲主之。

此偏於太陰虛寒。故以甘溫補正。其退邪之妙。全在用露。清肅能清邪熱。甘潤不傷正陰。又得氣化之妙諦。

露薑飲方 甘溫複甘涼法

溫病條辨 中焦篇 三

人參 一錢

生薑 一錢

水兩杯半。煮成一杯。露一宿。重湯溫服。

⊕太陰脾瘧。脉弦而緩。寒戰甚則嘔吐噫氣。腹鳴

漉泄。苦辛寒法。不中與也。苦辛溫法。加味露薑飲

主之

上條純是太陰。虛寒。此條邪氣更甚。脉兼弦則

一土中有木矣。故加溫燥泄木退邪。

加味露薑飲方

苦辛溫法

人參 一錢

半夏 二錢

草果 一錢

生薑 一錢

廣皮 一錢

青皮 一錢
醋炒

水二杯半。煮成一杯。滴荷葉露三匙。溫服。渣再煮一杯服。

②中焦瘧寒熱久不止。氣虛留邪。補中益氣湯主之。

留邪以氣虛之故。自以升陽益氣立法。

補中益氣湯方

炙黃芪 一錢五分

人參 一錢

炙甘草 一錢

白朮 一錢
炒

廣皮 五分

當歸 五分

升麻 三分

柴胡 三分

生薑 三片

大棗 二枚 去核

水五杯。煮取二杯。渣再煮一杯。分溫三服。

⑤脉左弦。暮熱早涼。汗解渴飲。少陽瘧偏於熱重者。青蒿鱉甲湯主之。

少陽切近三陰。立法以一面領邪。外出一面防。

邪內入為要領。小柴胡湯以柴胡領邪。以人參。

大棗甘草護正。以柴胡清表熱。以黃芩甘草苦。

甘清裏熱。半夏生薑兩和脾胃。蠲內飲。宣胃陽。

降胃陰。疏肝用。生薑大棗調和營衛。使表者不
爭。裏者內安。清者清。補者補。升者升。降者降。平
者平。故曰和也。青蒿鱉甲湯用小柴胡法而小
變之。却不用小柴胡之藥者。小柴胡原爲傷寒
立方。瘧緣於暑濕。其受邪之源。本自不同。故必
變通其藥味。以同在少陽一經。故不能離其法。
青蒿鱉甲湯以青蒿領邪。青蒿較柴胡力軟。且
芳香逐穢。開絡之功。則較柴胡有獨勝。寒邪傷
陽。柴胡湯中之人參甘草生薑。皆護陽者也。暑

熱傷陰。故改用鱉甲護陰。鱉甲乃蠕動之物。且能入陰絡搜邪。柴胡湯以脇痛乾嘔爲飲邪所致。故以薑半通陽降陰而清飲邪。青蒿鱉甲湯以邪熱傷陰。則用知母花粉以清熱邪而止渴。丹皮清少陽血分。桑葉清少陽絡中氣分。宗古法而變古方者。以邪之偏寒偏熱不同也。此葉氏之讀古書。善用古方。豈他人之死於句下者。所可同日語哉。

④ 少陽瘧如傷寒證者。小柴胡湯主之。渴甚者去

癰疽數條皆
偏于寒熱
陰陽虛者眼

半夏。加栝蒌根。脉弦遲者。小柴胡加乾薑陳皮湯
主之。

少陽瘧如傷寒。少陽證。乃偏於寒。重而熱。輕。故
仍從小柴胡法。若內躁渴甚。則去半夏之燥。加
栝蒌根生津止渴。脉弦遲則寒更重矣。金匱謂
脉弦遲者。當溫之。故於小柴胡湯內加乾薑陳
皮。溫中且能由中達外。使中陽得伸。逐邪外出
也。

青蒿鱉甲湯方
苦辛鹹寒法

治疔... 卷二... 溫... 疔... 疔... 疔...

青蒿 三錢

知母 二錢

桑葉 二錢

鱉甲 五錢

丹皮 二錢

花粉 二錢

水五杯。煮取二杯。瘧來前分二次溫服。

小柴胡湯方 苦辛甘溫法

柴胡 三錢

黃芩 一錢五分

半夏 二錢

人參 一錢

炙甘草 一錢五分

生薑 三片

大棗 三枚 去核

水五杯。煮取二杯。分二次溫服。加減如傷寒論中

法渴甚者去半夏加栝蒌根三錢。

小柴胡加乾薑陳皮湯方

苦辛溫法

即於小柴胡湯內加乾薑二錢陳皮二錢

水八杯煮取三杯分三次溫服

⑤舌白腕悶寒起四末渴喜熱飲濕蘊之故名曰濕瘧厚朴草果湯主之

此熱少濕多之證舌白腕悶皆濕爲之也寒起四末濕鬱脾陽脾主四肢故寒起於此渴熱也當喜涼飲而反喜熱飲者濕爲陰邪瀰漫於中喜熱以開之也故方法以苦辛通降純用溫開

而不必苦寒也。

厚朴草果湯方

苦辛溫法

厚朴

一錢五分

杏仁

一錢五分

草果

一錢

半夏

二錢

茯苓塊

三錢

廣皮

一錢

水五杯煮取二杯。分二次溫服。

按中焦之瘧。脾胃正當其衝。偏於熱者胃受之。

法則偏於救胃。偏於濕者脾受之。法則偏於救

脾胃。陽腑也。救胃必用甘。寒苦寒脾陰臟也。救

脾必用甘。溫苦辛。兩平者。兩救之。本論列瘧證

寥寥數則。畧備大綱。不能徧載。然於此數條。反復對勘。彼此互印。再從上焦篇究來路。下焦篇閱歸路。其規矩準繩。亦可知其大畧矣。

⑤濕溫內蘊。夾雜飲食停滯。氣不得運。血不得行。遂成滯下。俗名痢疾。古稱重證。以其深入臟腑也。初起腹痛脹者易治。日久不痛並不脹者難治。脉小弱者易治。脉實大數者難治。老年久衰實大小弱並難治。脉調和者易治。日數十行者易治。一二行或有或無者難治。面色便色鮮明者易治。穢暗

者難治。噤口痢屬實者尚可治。屬虛者難治。先滯

俗所謂後利俗謂之泄瀉者易治。先利後滯者難治。先

滯後瘧者易治。先瘧後滯者難治。本年新受者易

治。上年伏暑酒客積熱。老年陽虛積濕者難治。季

腸少腹無動氣疝瘕者易治。有者難治。

此痢疾之大綱。雖羅列難治易治十數條。總不

出邪機。向外者易治。深入臟絡者難治也。諺云

餓不死的傷寒。腹不死的痢疾。時人解云。凡病

傷寒者當禁其食。令病者餓。則不至與外邪相

痢要

搏而死也。痢疾日下數十行。下者既多。腸胃空虛。必令病者多食。則不至腸胃盡空而死也。不知此二語。乃古之賢醫。金針度人處。後人不審病情。不識句讀。以致妄解耳。按內經熱病禁食。在少愈之際。不在受病之初。仲景傷寒論中。現有食粥却病之條。但不可食重濁肥膩耳。痢疾暑濕夾飲食內傷。邪非一端。腸胃均受其殃。古人每云淡薄滋味。如何可以恣食與邪氣團成一。片。病人不解耶。吾見痢疾不戒口腹而死者。

不可勝數。蓋此二語。餓字。臏字。皆自爲一句。謂患傷寒之人。尙知餓而思食。是不死之證。其死者。醫殺之也。蓋傷寒暴發之病。自外而來。若傷衛而未及於營。病人知餓。病機尙淺。醫者助胃氣。捍外侮。則愈。故云不死。若不餓。則重矣。仲景謂風病能食。寒病不能食。是也。痢疾久伏之邪。由內下注。若臏氣有餘。不肯容留。邪氣彼此互爭。則臏邪。機向外。醫者順水推舟。則愈。故云不死。若臏氣已虛。純遜邪氣。則不臏而寇深矣。

汪按瘧痢二證若不能薄味藥雖對證亦不能效其愈後墜壁清野之法與傷寒溫病相同但瘧疾至正氣大衰之時胃虛不能勝邪俗人仍令禁食亦大謬也丹溪格致餘論俗言無飽死痢一條可參看。

⑤白利不爽欲作滯下腹中拘急小便短者四苓合苓芍湯主之

既自利俗謂泄瀉矣。理當快利。而又不爽者何。蓋濕中藏熱。氣爲濕熱鬱傷。而不得暢遂。其本性故

溫病初起
卷二 濕溫瘧痢痘疹

滯臟腑之中全賴此一氣之轉輸氣既滯矣焉

有不欲作滯下之理乎曰欲作作而未遂也拘

急不爽之象積滯之情狀也小便短者濕注大

腸闌門小腸之末大腸之始不分水膀胱不滲濕也故以

四苓散分闌門通膀胱開支河使邪不直注大

腸合苓芍法宣氣分清積滯預奪其滯下之路

也此乃初起之方久痢陰傷不可分利故方後

云久利不在用之

按所人倪涵初作瘧痢三方於痢疾條下先立

禁汗禁分利禁大下禁溫補之法。是誠見世之
妄醫者。誤汗誤下。誤分利。誤溫補。以致沈疴不
起。痛心疾首。而有是作也。然一概禁之。未免因
噎廢食。且其三方。亦何能包括病門諸證。是安
於小賊而不深究大體也。塘勤求古訓。靜與心
謀。以爲可汗。則汗可。下則下。可清則清。可補則
補。一視其證之所現。而不可先有成見也。至於
誤之一字。醫者時刻留心。猶恐思慮不及。學術
不到。豈可謬於見聞。而不加察哉。

四苓合苓芍湯方

苦辛寒法

蒼朮 二錢

猪苓 二錢

茯苓 二錢

澤瀉 二錢

白芍 二錢

黃芩 二錢

廣皮 一分

厚朴 二錢

木香 一分

水五杯。煮取二杯。分二次溫服。久痢不在用之。

⊙暑濕風寒雜感。寒熱迭作。表證正盛。裏證復急。腹不利而滯下者。活人敗毒散主之。

此證乃內傷水穀之醱濕。外受時令之風濕。中氣本自不足之人。又氣為濕傷。內外俱急。立方

今人誤以發
其矣

之法以人參為君。坐鎮中州為督戰之帥。以二
活二胡合芎藭從半。表半裏之際。領邪外出。喻
氏所謂逆流挽舟者。此也。以枳殼宣中焦之氣。
茯苓滲中焦之濕。以桔梗開肺與大腸之痺。甘
草和合諸藥。乃陷者舉之之法。不治痢而治致
痢之源。痢之初起。增寒壯熱者。非此不可也。若
云統治傷寒溫疫瘴氣。則不可。凡病各有所因。
豈一方之所得而統之也哉。此方在風濕門中。
用處甚多。若濕不兼風而兼熱者。即不合拍矣。

益方彙編
卷二
中焦篇痢

況溫熱門乎。世醫用此方治溫病，已非一日。吾
只見其害，未見其利也。

活人敗毒散 辛甘溫毒

羌活

獨活

茯苓

川芎

枳殼

柴胡

人參

前胡

桔梗

以上各一兩

甘草 五錢

共為細末。每服二錢。水一椀。生薑三片。煎至七分。
頓服之。熱毒衝胃禁口者。本方加陳倉米各等分。

下利不可發
存之大戒也
後人等味輒
用錢許并去
入參何其誤

名倉廩散服法如前。加一倍。噤口屬虛者勿用之。

汪按噤口有虛實之分。此方虛者固不可用。即

實證亦惟表證重者當用。若中焦濕熱壅滯。當

用丹溪人參黃連法。虛者當於理中等法求之。

④滯下已成。腹脹痛。加減芩芍湯主之。

一此滯下初成之實證。一以疏利腸間濕熱為主。

加減芩芍湯方 苦辛寒法

白芍 三錢

黃芩 二錢

黃連 一錢五分

厚朴 三錢

木香 一錢

廣皮 二錢

水八杯煮取三杯分三次溫服忌油膩生冷。

加減法。肛墜者加檳榔二錢腹痛甚欲便便後痛減再痛再便者白滯加附子一錢五分酒炒大黃

三錢紅滯加肉桂一錢五分酒炒大黃三錢通爽

後卽止不可頻下如積未淨當減其製紅積加歸

尾一錢五分紅花一錢桃仁二錢舌濁脉實有食

積者加查肉一錢五分神曲二錢枳殼一錢五分

濕重者白黃舌白不渴加茵陳三錢白通草一錢

滑石一錢

之。④滯下濕熱內蘊中焦痞結神識昏亂瀉心湯主

滯下由於濕熱內蘊以致中痞。但以瀉心治痞。結之所由來而滯自止矣。

瀉心湯 方法見前

⑤滯下紅白舌色灰黃渴不多飲小溲不利滑石藿香湯主之。

此暑濕內伏三焦氣機阻窒故不肯見積治積。乃以辛淡滲濕宣氣芳香利竅治所以致積之。

因庶積滯不期愈而自愈矣。

滑石藿香湯方

辛淡合芳香法

飛滑石 三錢

白通草 一錢

猪苓 二錢

茯苓皮 三錢

藿香梗 二錢

厚朴 二錢

白薏仁 一錢

廣皮 一錢

水五杯煮取二杯分三次服。

④濕溫下利脫肛五苓散加寒水石主之

此急開支河俾濕去而利自止

五苓散加寒水石方

辛溫淡複寒法。五苓散見前
第三十八頁

卽於五苓散內加寒水石三錢。如服五苓散法久痢不在用之。

②久痢陽明不闔。人參石脂湯主之。

九竅不和。皆屬胃病。久痢胃虛。虛則寒胃氣下溜。故以堵截陽明爲法。

人參石脂湯方 辛甘溫合瀉法卽桃花湯之變法也

人參 三錢

赤石脂 三錢 細末

炮薑 二錢

白粳米 一合 炒

水五杯。先煮人參白米炮薑令濃。得三杯。後調石

脂細末和勻。分二次服。

④自利腹滿。小便清長。脉濡而小。病在太陰。法當温臟。勿事通腑。加減附子理中湯主之。

此偏於濕。合臟陰。無熱之證。故以附子理中湯。去甘守之人參甘草。加通運之茯苓厚朴。

加減附子理中湯方 苦辛温法

白朮 三錢

附子 二錢

乾薑 二錢

茯苓 三錢

厚朴 二錢

水五杯。煮取二杯。分二次温服。

汪按理中不獨濕困太陰宜用。每見夏日傷冰水瓜果。立時發痢者。止有寒濕。并無熱證。小兒尤多此證。小便亦或短赤。不可拘泥。宜用理中。甚則加附子。瓜果積加丁香草果。下利滯澁者。加當歸。其有誤用尅伐者。則人參又當倍用矣。上焦有暑濕或嘔者。反佐薑連少許。

⑤白利不渴者屬太陰。甚則噦。俗名呃或衝氣逆急救

土敗。附子粳米湯主之。

此條較上條更危。上條陰濕與臟陰相合。而臟

之真陽未敗。此則臟陽結而邪陰與臟陰毫無
忌憚。故上條猶係通補。此則純用守補矣。扶陽
抑陰之大法如此。

附子粳米湯方

苦辛熱法

人參 三錢

附子 二錢

炙甘草 二錢

粳米 一合

乾薑 二錢

水五杯。煮取二杯。渣再煮一杯。分三次溫服。

⊕瘧邪熱氣內陷。變痢。久延時日。脾胃氣衰。面浮
腹膨。裏急肛墜。中虛伏邪。加減小柴胡湯主之。

以上數條俱
於虛實淺深
著眼

瘧邪在經者多較之痢邪在臟腑者淺痢則深
於瘧矣。內陷云者。由淺入深也。治之之法。不出
喻氏逆流挽舟之議。蓋陷而入者。仍提而使之
出也。故以柴胡由下而上。深出淺。合黃芩兩
和陰陽之邪。以人參合穀芽宜補胃陽丹皮歸
芍內護三陰穀芽推氣分之滯。山查推血分之
滯。穀芽升氣分。故推穀滯。山查降血分。故推肉
滯也。

加減小柴胡湯

苦辛溫法

柴胡 三錢

黃芩 二錢

人參 一錢

丹皮 一錢

白芍 二錢

當歸 一錢五分

穀芽 一錢五分

山查 一錢五分

水八杯。煮取三杯。分三次溫服。

之。
①春溫內陷。下痢最易厥脫。加減黃連阿膠湯主

春溫內陷其為熱多濕少明矣。熱必傷陰。故立法以救陰為主。救陰之法。豈能出有陰堅陰兩法外哉。此黃連之堅陰。阿膠之育陰。所以合而

名湯也。從黃連者黃芩。從阿膠者生地白芍也。炙草則統甘苦而並和之。此下三條應列下焦。以與諸內陷並觀。故列於此。

加減黃連阿膠湯 甘寒苦寒合化陰氣法

黃連 三錢

阿膠 三錢

黃芩 二錢

炒生地 四錢

生白芍 五錢

炙甘草 一錢五分

水八杯。煮取三杯。分三次溫服。

⑥氣虛下陷。門戶不藏。加減補中益氣湯主之。

此邪少。虛多。偏於氣分。之證。故以升補為主。

加減補中益氣湯 甘温法

人參 二錢
黃芪 二錢
廣皮 一錢

炙甘草 一錢
歸身 二錢
炒白芍 三錢

防風 五分
升麻 三分

水八杯。煮取三杯。分三次温服。

④內虛下陷熱利下重。腹痛脉左小右大。加味白頭翁湯主之。

此內虛濕熱下陷。將成滯下之方。仲景厥陰篇。謂熱利下重者。白頭翁湯主之。按熱注下焦。設

不差必圍膿血。脈右大者。邪從上中而來。左小者。下焦受邪。堅結不散之象。故以白頭翁無風而搖者。稟甲乙之氣。透發下陷之邪。使之上出。又能有風而靜。稟庚辛之氣。清能除熱。燥能除濕。濕熱之積滯去而腹痛自止。秦皮得水木相生之氣。色碧而氣味苦寒。所以能清肝熱。黃連得少陰水精。能清腸澀之熱。黃柏得水土之精。滲濕而清熱。加黃芩白芍者。內陷之證。由上而中而下。且右手脈大。上中尚有餘邪。故以黃芩

清腸胃之熱。兼清肌表之熱。黃連黃栢。但走中下。黃芩則走中上。蓋黃芩手足陽明。手太陰藥也。白芍去惡血。生新血。且能調血中之氣也。按仲景太陽篇。有表證未罷。誤下而成協熱下利之證。心下痞。鞭之寒證。則用桂枝人參湯。脉促之熱證。則用葛根黃連黃芩湯。與此不同。

加味白頭翁湯

苦寒法

白頭翁 三錢

秦皮 二錢

黃連 二錢

黃栢 二錢

白芍 二錢

黃芩 三錢

水八杯。煮取三杯。分三次服。

注按治痢之法。非通則澁。扼要在有邪無邪。陰

陽氣血淺深。久暫虛實之間。稍誤則危。不可不

慎也。又痢俱兼濕。例禁柔膩。

溫邪下痢者非

其有久痢

陰虛。當攝納陰液。或陰中陽虛。應用理陰煎等

法者。屬下焦。

徵按滯下自利諸條。俱係下焦篇證。似不應列

入中焦。要知致病之由。則自中焦而起。所以金

匱方中。只有黃芩湯。以治太陽少陽兩經合病。

之。下。利。遂。開。萬。世。治。利。之。門。經。云。治。病。必。求。其。本。此。之。謂。也。

秋燥

①燥傷胃陰五汁飲主之。玉竹麥門冬湯亦主之。

五汁飲 方法並見上焦篇第十六頁

玉竹麥門冬湯 甘寒法

玉竹 三錢 麥冬 三錢

沙參 三錢

生甘草 一錢

水五杯。煮取二杯。分二次服。土虛者。加生扁豆氣。

虛者加人參。

⑤胃液乾燥。外感已淨者。牛乳飲主之。

此以津血填津血法也。

牛乳飲 甘寒法

牛乳 一杯

重湯燉熟頓服之。甚者日再服。

⑥燥證氣血兩燔者。玉女煎主之。

玉女煎方

見上焦篇第十四頁

汪按燥證路徑無多。故方法甚簡。始用辛涼繼

用甘涼。與溫熱相似。但溫熱傳至中焦間有當
 用寒苦者。燥證則惟喜柔潤。最忌苦燥。斷無用
 之之理矣。其有濕未退而燥已起。及上燥下濕
 下燥上濕者。俱見濕門。

牛膝為引

此丸將血與津液也

④胃燥神熱。後與白芍等平燥治法之

滋陰補丸